

**MAHINUNGDANONG MGA PAMAHAYAG  
ALANG SA 2023 THANKSGIVING BLENDING CONFERENCE**

**Itingob gyod nato ang atong pagtagad ni Cristo  
nga bugtong-talagsaong sentro nga gitudlo sa Dios,  
dili sa mga tawo, mga butang, o mga hitabo nga dili si Cristo;  
ang bugtong sulbad sa tanang problema, labi na sa pagbahinbahin,  
pagpahimulos man kang Cristo nga malangkobon-sa-tanan.**

**Daghag aspeto ang pagpahimulos sa Ginoo—  
ang kalipay sa presensya sa Ginoo, ang kalipay sa pagkinabuhi  
diha sa diosnong paghigugmaay, ang kalipay sa diosnong pagpaambit  
sa Diosnong Trinidad, ang kalipay sa pag-inom sa suba sa mga kahimuot sa Dios,  
ang kalipay nga masayod sa gugma sa Dios, ang kalipay sa pagbuhat  
sa kabubut-on sa Dios, ang kalipay nga makontento sa tanang sirkumstansya,  
ug ang pagsulod nato ngadto sa kalipay sa Ginoo diha sa gingharian.**

**Pagpadayag sa pagkamagbubuot sa Espiritu ang rekord sa kinabuhi ni Jose,  
kay ang pagkamagbubuot sa Espiritu mao man ang nagharing  
aspeto sa hamtong nga balaan; mas labaw ang pagkamagbubuot  
sa Espiritu (ang kinabuhing naghari sa kinabuhi, nga nagpapugong  
ug nagpalimiti sa diosnong kinabuhi diha sa realidad sa gingharian sa Dios)  
kaysa bisan unsang ubang aspeto sa Espiritu.**

**Ang kalipay nga naa sa unahan nato mao si Ginoong Jesus,  
ang Pamanhonon, nga nianhi alang sa Iyang pangasaw-onon,  
nga nakaandam na sa iyang kaugalingon—ang pagkahamtong  
sa pangasaw-onon, ang pagtukod sa pangasaw-onon,  
ang pagkamatarong sa pangasaw-onon, ang katahom sa pangasaw-onon,  
ug nga mag-aaway sab nga mopildi sa kaaway sa Dios ang pangasaw-onon**

**Mga Talamdan sa Mga Mensahe  
alang sa Thanksgiving Blending Conference  
Nobyembre 23-26, 2023**

**LINANGKOB NGA HISGOTANAN:  
ANG PAGPAHIMULOS KANG CRISTO  
UG ANG PAGTUBO NATO SA KINABUHI HANGTOD MAHAMTONG**

Mensahe 1

**Ang Pagpahimulos sa Malangkobon-sa-tanan nga Cristo  
nga Bugtong-talagsaong Sulbad sa Tanang Problema sa Iglesia**

Basahong Kasulatan: 1 Cor. 1:2, 9; 2:9-10; 13:1-8; Jer. 2:13; Lam. 3:22-24

- I. Ang 1 Corinto basahon sa pagpahimulos sa malangkobon-sa-tanan nga Cristo nga bugtong-talagsaong sulbad sa tanang problema sa iglesia; tuyo sa Dios sa Iyang pahiuli nga mapahiuli si Cristo nga bugtong-talagsaong sentro sa pamatigayon sa Dios ug tanan alang nato isip pahat nato nga mapahimuslan nato—1:2; 9, 24, 30:**
- A. Gitawag tang tanan ngadto sa pakig-ambitay, sa pagpahimulos, ni Cristo (v. 9); ang pulong *pakig-ambitay* naglakip sa hunahuna sa pagpahimulos; pahat nato si Cristo nga gihatag sa Dios kanato aron atong mapahimuslan (v. 2; Col. 1:12).
  - B. Sa 1 Corinto tuyo ni apostol Pablo nga sulbaron ang mga problema diha sa mga balaan sa Corinto; ang bugtong sulbad sa tanang problema, labi na sa pagbahin-bahin, pagpahimulos man kang Cristo nga malangkobon-sa-tanan.
  - C. Itingob gyod nato ang atong pagtagad ni Cristo, dili sa mga tawo, mga butang, o mga hitabo nga dili si Cristo; ipunting gyod nato ang atong pagtagad ni Cristo nga bugtong-talagsaong sentro nga gitudlo sa Dios aron masulbad ang tanang problema diha sa mga magtutuo—1:9; Col. 1:17b, 18b.
  - D. Ang tumong nato mao ang kinahingpitang pagpahimulos ug kinahingpitang pagkabaton ni Cristo aron matukod ang Lawas ni Cristo; mosangpot kini sa kinahingpitang pagpahimulos nato ni Cristo nga ganti nato sa panahon sa gingharian nga usa ka libo ka tuig—Fil. 3:14; Mat. 25:21, 23.
  - E. Mga tawo gyod unta ta nga naghunahuna “sa usa ka butang”; ang *usa ka butang* sa Filipos nagpasabot sa subjectibong pagkaila, pagsinati, ug pagpahimulos kang Cristo; ang *usa ka butang* mao ang pagpursigir kang Cristo aron mabatonan ug mapanag-iyang Siya—2:2, 5; 1:20-21; 3:7-14; 4:13.
  - F. Ang paghunahunag laing butang gawas sa usa ka butang pagsupil man batok sa pamatigayon sa Dios; ang pamatigayon sa Dios mao nga maghunahuna ta sa usa ka butang; diha sa iglesiahanong kinabuhi tabangan gyod nato ang mga balaan nga maghunahuna sa usa ka butang; ipunting gyod ang atong mga hunahuna diha sa ug mapuno sa pagpahimulos kang Cristo alang sa iglesiahanong kinabuhi, sa kinabuhi sa Lawas.
  - G. Gipadayag sa 1 Corinto nga gihatag sa Dios kanato si Cristo nga malangkobon-sa-tanan, nga dunay kadato nga labing menos kawhaan ka butang, isip atong pahat nga atong mapahimuslan; ang sekreto sa Cristohanong kinabuhi ug sa iglesiahanong kinabuhi pagpahimulos man nato ni Cristo—1:9:
    - 1. Pahimuslan gyod nato si Cristo nga mao ang pahat nga gihatag sa Dios kanato—v. 2.
    - 2. Pahimuslan gyod nato si Cristo nga gahom ug kaalam sa Dios isip pagkamatatungon, ug katubsaan nato—vv. 24, 30.

3. Pahimuslan gyod nato si Cristo nga Ginoo sa himaya, ang Hari man ngani sa himaya, aron mahimaya ta—2:7-8; Rom. 8:30; Sal. 24:6-10.
4. Pahimuslan gyod nato si Cristo nga mga kahiladman (laglom nga mga butang) sa Dios—1 Cor. 2:10.
5. Pahimuslan gyod nato si Cristo nga bugtong-talagsaong patukoranan sa balay sa Dios—3:11.
6. Pahimuslan gyod nato si Cristo nga atong Pasko (5:7), ang tinapay nga walay lewadura (v. 8), ang espirituhanong kalan-on, espirituhanong ilimnon, ug espirituhanong dakong bato (10:3-4).
7. Pahimuslan gyod nato si Cristo nga Ulo (11:3; Col. 2:19; Efe. 1:19-23) ug Lawas (1 Cor. 12:12, 24-25a; Efe. 4:15-16).
8. Pahimuslan gyod nato si Cristo nga mga unang-bunga (15:20, 23), ang ika-duhang tawo (v. 47), ug ang kataposang Adam, nga nahimong Espiritung taghatag-og-kinabuhi (v. 45) aron mahimong tanan nato.

**II. Matinumanon ang Dios sa pagtawag kanato ngadto sa pakig-ambitay, ngadto sa pagpahimulos, sa Iyang Anak, apan makadaghan nga wala ta magmatinumanon sa pagtawag Niya kanato ngadto sa Iyang tuyo—1:9; Jer. 2:13; Lam. 3:22-24:**

- A. Tuyo sa Dios sa Iyang pamatigayon nga mahimong tuboran, tinubdan, sa buhing mga tubig aron ipaambit ang Iyang Kaugalingon kanato aron matagbaw ug makapahimulos ta; ang tumong ning pagpahimulosa mao ang pagpalugwa sa iglesia, sa kapikas sa Dios, nga pagtubo sa Dios, pagdako sa Dios, aron mahimong kahupnganan sa Dios nga magpadayag Niya—Juan 3:29-30; Efe. 3:16-19, 21.
- B. Ang bugtong paagi nga madawat nato ang Dios nga tuboran sa buhing mga tubig pag-inom man Kaniya ug ipaagay Siya adlaw-adlaw; nagkinahanglan kini nga mapadayonon tang motawag sa ngalan sa Ginoo (uban sa pag-awit, pagpasalamat, pagkalipay, pag-ampo, pagdayeg, ug pagmantala sa nagluwas nga mga buhat sa Dios ngadto sa uban)—Sal. 36:8-9; Isa. 12:3-6; 1 Cor. 12:13; Juan 7:37-39; 4:10, 14; Rom. 10:12-13; 1 Tes. 5:16-18.
- C. Imbis magpahimulos sa Dios pinaagi sa pag-inom Kaniya, wala magmatinumanon sa Dios ang Iyang katawhan sa paghimo nilag duha ka kadaotan—“Nakahimog duha ka kadaotan ang Akong katawhan: Gisalikway Ko nila, / Ang tuboran sa buhing mga tubig, / Aron magkalot alang sa ilang kaugalingon og mga pundohanan, / Mga pundohanan nga niliki, / Nga dili kasudlag tubig”—Jer. 2:13:
  1. Una, gisalikway sa katawhan sa Dios ang Dios nga ilang tuboran, tinubdan, nga mapahimuslan nila; ikaduha, nangadto sila sa ubang mga tinubdan nga dili ang Dios nga dili makatagbaw nila o makahimo nilang pagdako sa Dios nga Iyang kahupnganan nga magpadayag Niya.
  2. Ang pagkalot og mga pundohanan naghulagway sa paghago sa Israel sa tawhanong pagpangabudlay nila aron maghimog mga butang (mga diosdios) nga ipuli sa Dios; kanang niliki ang mga pundohanan ug dili kasudlag tubig nagpakita nga kon dili ikapaambit kanato ang Dios mismo ingon nga buhing tubig nga mapahimuslan nato, walay makatagbaw sa atong kauhaw ug makahimo natong pagtubo sa Dios nga magpadayag Niya—Juan 4:13-14.
- D. Ang daotang kahimtang sa mga daotan mao nga dili sila moduol sa Ginoo aron mokaon, moinom, ug mopahimulos Niya; nagbuhat silag daghang butang, apan dili sila moduol aron mokontak sa Ginoo, modawat Niya, motilaw Niya, ug mopahimulos Niya; sa panan-aw sa Dios walay labaw pa kadaotan kay niini—Isa. 57:20; itandi sa Isa. 55:1-2, 6-7.

- E. Bisan dili ta matinumanon, matinumanon ang Dios, apan dili segun sa natural nga pagsabot o hunahuna nato ang pagkamatinumanon Niya:
1. Matinumanon ang Dios sa pagkuha sa atong mga diosdios; ang bisan unsang naa sa sulod nato nga gihigugma nato labaw sa Ginoo o nakapuli sa Ginoo sa atong kinabuhi diosdios man—Ezeq. 14:3; 1 Juan 5:21.
  2. Ang dayag nga kalinaw sa atong palibot, ang personal nga kahayahay ug kahamugaway nato, ug ang atong katigayonan posible mang mahimong mga diosdios nato nga magpasaag nato; apan matinumanon ang Dios sa pagkuha ning mga butanga aron moinom ta Niya nga tuboran sa buhing mga tubig.
  3. Matinumanon ang Dios sa pagtugot nga magkaproblema ta aron makat-on ta nga dili mosalig sa atong kaugalingon kondili Kaniya ug aron madala ta Niya nganha sa Iyang pamatigayon aron makapahimulos ta ni Cristo, maka-suyop ni Cristo, makainom ni Cristo, makakaon ni Cristo, ug makahilis-sagol ni Cristo aron motubo ang Dios sa sulod nato ug matuman ang Iyang pama-tigayon—Jer. 17:7-8; 2 Cor. 1:8-9; Juan 16:33; 1 Cor. 10:3-4; 12:13.
  4. Wala maikag ang Dios sa bisan unsa kondili sa pagpahimulos ra nato ni Cristo; naghunahuna tingali ta nga tungod sa atong kapakyasan, wala na tay paglaom, apan diha sa Dios wala may kahigawad; ang kapakyasan nato naghatag rag higayon nga makasulod si Cristo aron mahimong tanan nato, makapadala Niya kanato hangtod mahamtong—Rom. 8:28-29; Heb. 6:1a; Gen. 37:1 ug nota; 47:7 ug nota.

**III. Gipadayag sa 1 Corinto nga ang paagi nga makapahimulos ta sa Ginoo paghigugma man Kaniya (2:9-10; 16:22) ug paghigugmaay sa usag usa (13:1-8a); ang pahiuli sa Ginoo pagpahiuli man sa paghigugma nato ni Ginoong Jesus sa unang gugma (Bug. 2:4; 1 Juan 4:19), ug sa paghigugmaay sa usag usa aron matukod ang organicong Lawas ni Cristo (Efe. 4:16):**

- A. Ang paghigugma nato sa Ginoo gikinahanglan gyod kaayo aron makasulod ta sa Iyang kasingkasing ug makasabot sa tanang sekreto niini ug aron makaamgo ug makaambit ta sa lalom ug natagong mga butang nga gitudlo ug giandam sa Dios alang nato—1 Cor. 2:9-10; Mat. 22:37-38; Sal. 73:25; 116:1-2:
1. Nag-agad sa pagpahimulos nato ni Cristo ang sulod sa iglesihanong kina-buhi; labi tang mopahimulos Niya, labi sab nga modagaya ang sulod niini; apan aron makapahimulos ta ni Cristo, kinahanglan mahigugma ta Niya sa unang gugma—Bug. 2:4-5, 7.
  2. Nagsugod ang pagkadaot sa iglesia sa pagbiya nato sa unang gugma nato sa Ginoo; ang paghigugma nato sa Ginoo sa unang gugma, sa labing maayong gugma, pagpauna man nato sa Ginoo sa tanang butang, magpapugong ta sa Iyang gugma aron mag-isip ug maghimo Niya nga tanan sa atong kinabuhi—vv. 4-5; Col. 1:18b; 2 Cor. 5:14-15; Mar. 12:30; Sal. 73:25-26.
  3. Ang kinabuhi mismo nga nadawat nato sa pagtuo nato ni Ginoong Jesus usa ka persona, ug ang bugtong paagi nga maaplikar ug mapahimuslan nato kining personaha mao ang paghigugma Kaniya sa unang gugma; kay per-sona man si Ginoong Jesus nga kinabuhi nato, nagkinahanglan tag bag-ong pagkontak Kaniya aron makapahimulos sa Iyang presensya karon gyong taknaa ug sa adlaw-adlaw—Juan 11:25; 14:5-6; 1 Tim. 1:14; Juan 14:21, 23; 2 Cor. 5:14-15; Bug. 2:4-7; Col. 1:18b; Rom. 6:4; 7:6.
  4. Mga tawo gyod unta ta nga gibahaan sa gugma ni Cristo; sama gyod sa daghan kaayong tubig nga nibul-og kanato ang diosnong gugma, nga mopugos nato nga magkinabuhi ngadto Niya ug mahigugma Niya sa kinabug-osan gyod nga dili nato mapugngan—2 Cor. 5:14.

5. Aron bug-os gyong mahigugma sa Ginoo, mga tawo gyod unta ta nga nangan-doy ug nagtinguha nga mopuyo sa balay sa Dios sa tanang adlaw sa atong kinabuhi aron mosud-ong sa Iyang katahom (pagkahiligugmaon, pagkama-kapahimuot, pagkamakalipay) ug magpakisayod sa Dios sa Iyang templo; ang magpakisayod sa Dios mangutana man sa Dios kalabot sa tanang butang sa adlaw-adlaw natong kinabuhi—Sal. 27:4.
- B. Ang gugma maoy labing maayong paagi nga mahimo tang bisan unsa o mobuhat og bisan unsa aron matukod ang iglesia nga organicong Lawas ni Cristo—1 Cor. 12:31b—13:8, 13; itandi sa 14:1, 3, 4b:
1. “Makapaburot ang kahibalo, apan makatukod ang gugma”; maminaw tingali ta sa mga mensahe sa ministri ug moburot tungod sa kahibalo lang—8:1b; itandi sa 2 Cor. 3:6.
  2. Mapalihok na ngani ang balaod sa Espiritu sa kinabuhi nga balaod sa gugma (Rom. 8:2; Gal. 6:2-3) sa sulod nato, paghago sa gugma ang paghago nato diha sa Ginoo (1 Cor. 15:58; 1 Tes. 1:3) nga niini tabangan nato ang mga maluyahon (Buh. 20:35; 1 Tes. 5:14); nagpasabot ang *mga maluyahon* sa mga maluyahon sa ila bang espiritu o kalag o lawas, o sa mga maluyahon sa pagtuo.
  3. Ang Cristo nga gihigugma nato mao si Cristo nga nahigugma sa iglesia (Efe. 5:25); kon nahigugma ta Niya, mahigugma ta sa iglesia sama sa paghigugma Niya niini; kinabuhi sa gugmang inigsoon ang iglesiahanong kinabuhi (1 Juan 4:7-8; 2 Juan 5-6; Juan 15:12, 17; Bug. 3:7; Efe. 5:2, itandi sa Judas 12a), ug gitukod sa Lawas ang iyang kaugalingon diha sa gugma (Efe. 4:16).
  4. Espiritu sa gugma ang hinatag-sa-Dios, gipanganak pag-usab nga espiritu nato; nagkinahanglan tag nagdilaab nga espiritu sa gugma aron modaog sa pagkadaot sa iglesia karon—2 Tim. 1:7; Rom. 12:10-11.
  5. Matinuod alang nato ang gugma nato sa usag usa sa labi pa gyod tang maka-sinati ug makapahimulos sa panagsakot aron mausa, matukod, ug marea-lidad ang Lawas ni Cristo—1 Cor. 12:14-27; Rom. 16:1-16; Col. 4:16; Juan 12:24; Lev. 2:4-5.